

Maki Naña
SEMES
Siriyuia
Visayuena Na Tusi Nene

Suniena plas na tusi nini

Maki kiena Semes, naga kiena visena wo lala naña vena vianen yeririna lala kiena Ntewa naña asu tetai asike e yo punuga e yomarava nini. Semes naga kila totou la mokliu e kiena visena vena iilaen yaru lala, vena atol sitomena a kiliaena wo lala. E maki nini, naga pisayu suri moki naña nalelagaena lala monar kiela sitomen tolia a monar akila. Naga sape nalelagaena naña limana korena, naga monar kekara pogos naña visae Ntewa visirlua naga va metava, a nalelagaena naña kiena suri moki, naga monar kekara pogos naña visae Ntewa ligana naga vito su tano. A pisayu ðelaga wo naña yaru monar kila, a naga sape lelagaena a yuñena, suri lua nene lalua monar akiriri lele taaga. Pisayu mēna sape yaru naña kila ke ðelaga wo na iilaen yaru taña, yoko kiena lelagaena ñarera.

Semes pisayu suri lala na kilalien yaru lala, a naga sape yaru naña suri la aimi akilalia, ana naga sumā þuarar ke ðelaga mesmesu, naga kilia loge wo. Pisa sape nalelagaena monar ve tañan re gona visa suri viowa, ana monar yeluar ga Ntewa ea. A pisayu manmaruaena naña Ntewa kiania, amio ðelaga taña leñas naña po, sane

ṗelaga kiena yaru naṗa kila kiena sitomena pito ga tano, pona kila kiena sitomena piyavi. Pisayu ṗena ṗelaga laṗas naṗa piowa, sane yaru la asuṗa apeveyu, apilave paṗisi, amila nakoena pa yaru taṗena, pona akila kiela sitomena pa metava.

E ṗaki nini Semes pisayu lotena naṗa navisa-taṗeena sike ea, a suri keviyu si tai, pisawal ruruia naṗa lelagaena amio yuṗaena wo, suri lua nene monar asike lele taaga e maliena kiena yaru naṗa lelaga, ana nanini naga taveve sitomena kiena Ntewa.

Komṗasnen tusi la na nini

Visena ṗesa 1:1

ṗelaga na lelagaena a ṗelaga na manmarua
1:2-8

La naṗa limala korena a yaru na suri moki lala
1:9-11

Suri na kilalien lelagaena kiena yaru 1:12-18

Yaru naga monar loge visena kiena Ntewa a
monar kila suri la naṗa visena nini pisa 1:19-
27

Visena na kila woen yaru pisu suri piowaga e
yaru taṗena 2:1-13

Lelagaena a yuṗaena wo 2:14-26

Li nalelaga monar visuar ruruia e kiena visena
3:1-18

Li nalelagaena a ṗelaga lala na yomarava 4:1—
5:6

Suri taṗena la naṗa Semes pisa 5:7-20

Visen ṗesia

¹ Inu Semes inu nepe yaru na yuññaena kiena ne Ntewa, a kiena ne kieta Suṽe Yesu Kristo, naṽa inu nesiri luñaki nini pimi pan amiu naṽa amiu lus nae Israel lala lualima taaga pa lua naṽa amiu asutetai asu ke e narin ṽegas lala e yo punu ga e yomarava nini. Inu nepiun nesape sanapen amiu asu pogaga pona amiu na asike sanape?

Naviawaena amio namanmaruaena

² Puruvi lala a vineu lala, pogos naṽa na kilaliena lala imi e amiu, amiu na akilia avisu la sa naṽa suri nalogewonena. ³ Nanene na sa naṽa amiu akilia, pogos naṽa suri nakilaliena naga kilali kiamiu naviawaena lala, ana amiu atauluia, nanene kila kiamiu naviawaena imi m̄arera manenea vena suñalu sulue. ⁴ A pogos naṽa amiu asuñalu m̄arera sanene, nanene naga kilia kila kiamiu malena mesmesu ruru wo vaṽisi marua ruru nenaga a ule ruru e suri wo la punu ga, pe ṽelaga wo re tai naṽa naga pe kiena re poli.

⁵ Ana visae amiu yaru tai naga sitom pisape kiena manmaruaena ve tokaki ga, naga monar viun tan Ntewa e kiena leniena, ana Ntewa kilia la van naga. Vanon naṽa e ṽelaga kiena ne Ntewa, Ntewa naga taṽatete visi viowa va yaru naṽa naga viun suri tania, vanon Ntewa naga mlaluen ga nalaena wo silaga e kiena sinewo. ⁶ Ana pogos naṽa yaru viun suri sanene e kiena leniena, naga monar lelaga m̄arera, naṽa naga ve sitom ṽele re sina, vanon naṽa sitomena kiena ne yaru na sanene naga sane sive naṽa lagi

miyuia kulkululu, lagi suña supon kare ga pa e yo punu ga. ⁷⁻⁸ Yaru na sanene, kiena sitomena peve lua, a kiena ðelaga lala kar ga, ana yaru na sanene taðatete si sitom visave ðisi na la suri wo tai e Ntewa.

Yaru la naða kiela suri re poli, a yaru la naða kiela suri la moki

⁹ Kieta puruvi laðasia limala korena ga, pe kiela suri re poli, ana la popon awarwar la vaðisi naða Ntewa pisirlua kiela sitomena pa metava, ¹⁰ a kieta puruvi taðena mēna ga lala, naða la kiela suri moki, ana la mēna ga popon awarwar la manene vaðisi, komin naða Ntewa naga kila kiela sitomena la sike ga tano. Lala akilia akekara sa naða la apisu kilale asape yaru naða naga kiena suri moki, naga sa ga naða meme tai naða to yam plas ga. ¹¹ Pogos naða mrae pa metava, naða yo pisun paðisi, ana mlege meme la nene la apimi ameu, ana akekapili pito tano ana maran meme la nene kokovio. A e ðelaga ke nene, e pogos naða yaru na suri moki lala asumā akilapolo ke kiela kilavaru lala wa, ana ðisi na la aloru mēna ga akokovio.

Nakilaliena lala

¹² Yaru naða sumālu mārera e nakilaliena lala naða aimi e naga, navisa ruruena sike e naga, vanon pogos naða naga taulu suri la nene ðisi, ana Ntewa yowauia ruru naga e nalaena wo tai, naða naga namalena nene naða Ntewa naga pisaaria ðisi rui pan la naða la asitom manene naga. ¹³ Visae nakilaliena lala imi e amiu, ana la ataðali amiu, ana amiu na ve avisa re avisave “O,

nataþaliena la nene la amolue e Ntewa.” Amiu taþatete avisa ve sanene, vanon naþa taþatete suri viowa naga kilia taþali Ntewa, a þelaga nakilaliena yaru Ntewa naga pe kiena þelaga re nene poli. ¹⁴ Nataþaliena la nene apimi m̃arera e yaru, e ga e pogos naþa kiena nasinenanena viowa ga naþa kila luþeluþe naga, ana pure naga pano. ¹⁵ Siraunia, ana nasinenanena viowa nene naga pitovi pimi keviu ana naga þar narina, naþa mlamulena viowa, a siraunia, pogos naþa mlamulena viowa nene naga m̃ena ga pitovi pimi keviu, þisi na naga m̃ena ga þar narina, naþa naga marena.

¹⁶ Kiau puruvi wo lala, þisi na amiu avisuar ruru amiu, ve atam̃an re yaru la aimi avisa kotalia amiu, naþa la avisave “Nataþaliena naga pimi e Ntewa.” ¹⁷ Amiu na monar akilia sa naþa suri wo punu ga, a nalaena tanea punu ga, la amolue ma e peni la apitomi e ita. La amolue e Ntewa naþa naga sii suri lala punu ga naþa la apivavaga ke e sinapane, suri vivavaga la nene naþa la akilia avilolou la silaga, ana naga kiena þelaga pe pe taþena re nena pogos tai poli, naþa naga taþatete vilon m̃asina van ita pog tai, vena ligan ita tesum̃a ga e yemalolo. ¹⁸ Nane Ntewa ne nanene naþa sane kiena sitomena ga, naga kila ita tepimi tepe narina, komin naþa ita temlelaga e kiena visena lelaga, vena ita na sa naþa teve mras þesia na yeririna moki lala naþa þisi na lala alelaga mare e Kristo sirau.

Ita monar telogear visena kiena Suþe

¹⁹ Kiau puruvi wo lala, p̃isi na ve sinemiu p̃esan re visena nene, naṗa apisape yeririna punu ga monar avitaṗilin yagogoena, a monar avis male ga. A monar ve avitaṗilin re m̃ena ga sinekarena, ²⁰ komin naṗa nasinemimiena kiena ne yaru, naga taṗatete nenaga kilia kila p̃elaga namesmesuena kiena ne Suṗe imi kate pog tai, peraga. ²¹ Ve sanene, amiu na monar akoven plan p̃elaga namname lala, a yuṃaena viowa lala e kiamiu malena la wetelu, a amiu monar aligan kiamiu sitomena sum̃a vatano e Visena Wa naṗa naga kilia tamalia amiu, naṗa Ntewa naga mapila e losinemiu lala p̃isi rui.

²² Amiu monar akila ya naṗa Visena Wa nene naga pisa, pe pon re naṗa amiu asuṃa avisa kotalia amiu ga poli, naṗa amiu asuṃa ayagogonia ana amiyagogo korena ga e Visena Wa nene, amiu pe akila re suri la naṗa pisa ke poli. ²³ Nanene sa ga naṗa yaru tai pisu marana e wii naṗa ato e kilika, ²⁴ naṗa pogos naṗa naga pure petania, pog plas laa ga nene, naga sinena p̃esan ke sina ga marana pisape m̃a naga marana sanape wa. ²⁵ Ana yaru naṗa naga pisu ruru loyumuṃa e navisaluaena wo nene naṗa naga kilia wereplan ita e mlamulena viowa, a naga yagogo ruru ea, naṗa naga ve yagogo korena re ga p̃isi sinena p̃esania, ana naga logearia a naga yuṃaenia, yaru ne nanene narui p̃isi na Ntewa naga visa ruru naga e kiena yuṃaena punu ga.

²⁶ Visae yaru tai naga sitom ke sape naga pe yaru mesmesu nalelagaena tai, ana naga pe p̃uarar ruru re purmenena poli, naga sum̃a pisa

kotalia ke sina ga naga, a kiena nalelagaena pe suri korena ga. ²⁷ Ana ðelaga na lelagaena naþa mesmesu ruru po, a naþa naga pe lelaga kemua naþa po e marana ne Ntewa, naga sanini: þisi na amiu aialiali ninuyu lala a letano lala, vena aiila la e kiela malena m̃arera lala, a amiu auarar ruru kiamiu malena m̃arera vena ðelaga viowa amio kororaki lala na yomarava ve atolkare amiu re.

2

Amiu na ve awaveve re yaru lala

¹ Kiau puruvi lala a vineu lala, sa naþa amiu apiawa e kieta Suþe Yesu Kristo, naþa naga pe Suþe Nawarwarena, þisi na amiu ve awaveve re yaru lala, naþa amiu akila wo van laþasia, a amiu akila viowa van laþasia. ² Sa naþa visae yaru la ve lua, aimi loyuma e kiamiu yuma na leniena, tai naþa kiena suri la moki naþa m̃ana kulsota miyowau ruru po a naga miyen pialaliga tai naþa pe kol teke e mrasilmana, a naþa taþena naga pe kiena suri re poli, naga m̃ana kulsota la pororo ga, ana þisi na amiu ve akila re ve taþena van lalua nene. ³ Pe pon re naþa amiu asitom manene yaru naþa naga mien kulsota naþa miyowau ruru po poli, naþa amiu aure naga va e yo naþa po a avisa vania avisave “Paraga lelema napo nanene, imimi sinemimi mesape ko ototano e yo nene,” a e yaru taþena nene amiu avisa ga avisave “Þisi na ko osuvalu ga osuma varau e nama, visae peraga oto ga tano e nama.” ⁴ Pogos naþa amiu akila ke ðelaga la ne sanene, amiu na asuma apisuvisu yaru laþasia

la apo, a yaru laṣasia la apiowa ga, nanene na vanon ga suri la naṣa la amien ke ne, a kiamiu navisuena na sanene naga pe ṣarpooyo re nena e sitomena wo nene poli.

⁵ Kiau puruvi lala, amiu aloge inu. Yeririna la naṣa na yomarava nini la naṣa limala korena ga, Ntewa naga pure plan la nene la ape kiena, vena naga kila sa naṣa la kieta suri wo lala e lepas nen kiela nalelagaena lala. A Ntewa kila mēna ga ve sanene vena akilia ava ala kiela lalimana lala e nasuṣenena kiena, sa naṣa naga pisaar ṣisi rui pan la naṣa asitom manene naga. ⁶⁻⁷ Ana amiu na asuṣa apisuvisu ke yaru la naṣa la limala korena la sane ape kororak ga. Ana amiu na asitomyulia: ?A la naṣa la asuṣa aṣene amiu ke ne naṣa la asuṣa aṣure amiu ke apa kumali? ?A li pe mēna ga la naṣa la asuṣa apiuelin amiu ke e kia keviu wo nene naṣa Ntewa naga mligan e amiu? Nanene na pe yeririna re la naṣa limala korena poli, ana nanene na yeririna la naṣa kiela suri moki.

⁸ Mrapa mesmesu naṣa amiu ataveve e nene naga sa naṣa purṣes nen navisaluaena kiena ne nasuṣenena kiena ne Ntewa pisa naṣa naga pisa pisape “Ko na ositom nalavis puṣa lala, okila wo van la, ve sa ke ga naṣa ko na ositom ko mṣaga.” ⁹ Ana visae amiu asuṣa avisuvisu ke yeririna lala awaveve la ke sanene, nanene na amiu asuṣa amlamula ke piowa nene ne, a navisaluaena kiena ne Ntewa ṣisi na naga liṣere amiu visae amiu na ape yaru na kilaroen navisaluaena. ¹⁰ Komin yaru naṣa naga kilaro ga visena kiena ne navisaluaena ve taaga ga,

naga kila ke mlamulena viowa ne e marana ne Ntewa, naga sa naña naga kilaroro make visena kiena ne navisaluaena la nene punu ga p̃isi narui. ¹¹ Komin Ntewa nene naña naga pisa pisape “Pisi na amiu ve ataña re kolau,” nanene na Ntewa ke ga nene na wa naña naga pisa pisape “Pisi na amiu na ve awem̃ar re yaru.” A visae amiu ve ataña re kolau ana amiu awem̃ar ga yaru, p̃isi na amiu na ave yaru na kilaroen ga navisaluaena narui. ¹² E pogos na liṽereena, p̃isi na Ntewa naga ve la re nakoena van amiu sa naña p̃isi na naga la van yeririna viowa lala, p̃isi na naga ure plan amiu e nakoena nene narui. Komin suri ne nanene, kiamiu visena lala a kiamiu yum̃aena lala naga monar ve sa naña amiu na pe akila re suri tai naña mesmesun naña amiu akus nakoena vanon poli. ¹³ Nanene na komin naña Ntewa naga sinena mie amiu, a kiena nasineyeena nene naga p̃isi na yumuvanlua naliṽereena naña naga mesmesun naña amiu akusia. A pogos naña Ntewa naga p̃isi na liṽere yeririna la naña la pe sinela mie re yeririna taṽena poli, p̃isi na naga m̃ena ga taṽatete sinena ye la.

Pelaga na viawaena a na yum̃aena wo lala

¹⁴ ?Puruvi lala, sanapen naña visae yaru tai naga suña visa ke visave naga piawa ke e Kristo, ana p̃isi na naga pe kila re yum̃aena wo la poli? ?Pisi na kiena naviawaena ga nene naga kilia tamalia naga, pona peraga? Nanene na, taṽatete suri wo tai kilia molue kome kiena visokanena naviawaena kiena ne yaru na sanene. ¹⁵ ?A

sanapen mēna ga naña visae kieta puruvi lañasia amio vineta lañasia naña la pe m̃ala kulsoa re poli, a la pe kala kinanena re poli? ¹⁶ Visae amiu yaru tai naga visin sineyeena van la visave “Ntewa naga visa ruru amiu, amiu na ve miava tol amiu re, a ve viso kar amiu re,” ana naga pe mla re nena suri tai pan la poli vena iila la, visave ve sanene pogaga ne pona pe po re nene poli? Peraga, kiena visena na sanene ana pe visena korena ga. ¹⁷ A kieta naviawaena na sa ke ga nene narui, naña visae naga sum̃a naga taaga, a ve yum̃aena wo lala ve su re amio, ana kieta naviawaena nene pe naviawaen korena ga, mare ga ne.

¹⁸ Ana pona ãisi na yaru lañasia la aloge visena nene, ana ãisi na la akilali naña avisatañea avisave, “Naga pogaga, ana pe sa re nene poli. Ana naga sa ga naña yaru lañasia, la ape yaru na viawaena, a yaru lañasia, la ape yaru na kilaen yum̃aena wo lala.”

Ana ãisi na inu nevisatañe la nevisave “Visae inu nevisu ko naña ko ovisa ovisave ko na ope yaru na viawaena ga, ana ko na pe yaru na kilaen re yum̃aena wo la poli, ana ve sanene ãisi na taãatete nevisu kile tai naña sane naviawaena kiõna pe lelaga. Ana visae ko ovisu naña nesum̃a nekila ke ãelaga wo lala, nanene kilia kila merarava van ko sane kiau viawaena naga pe lelaga kemua.” ¹⁹ Ee, inu nekilia m̃aga naña ko omlelaga naña Ntewa taaga ga sike na, nanene na po paãisi nene. Ana nevisa van ko, yermare mēna ga lala la amlelaga sa ke ga, ana la asum̃a amiyuwawa paãisi vanonia. ²⁰ Sa naña

nesuũa nepisa ke ne, yaru naũa naga pisape naga piawa mũaga, ana pe kila re ðelaga wo la poli, kiena naviawaena nene pe suri korena ga, yaru na sanene na pe wowe ga nene. ?Pona amiu sinemiun asape nevisa meraravanli la suri nene sane wa? ²¹ Pogaga, amiu asitomli repita naũa Epraam ne. ?Ntewa naga kila Epraam naga mesmesu e marana vanon ya ne? Nanene komin naũa Epraam naga ðere narina naũa Aisak, piar naga e wonta, ana tamãn narina nene pisape kila kuũaaena ea va Ntewa. ²² Amiu apisu ke ne, e lele nene ita tevisu naũa naviawaena kiena ne Epraam a kiena yuũaena lala, ana suri la lua nene amiyuũae ga lele taaga. Kiena yuũaena lala la akila sane kiena naviawaena naga pe lelaga ruru kemua naũa lelaga, ²³ a suri nene naga kila Visena Wa pe lelaga kemua, naũa pisa pisape, “Epraam naga piawa ke e Ntewa, a pe miasi suri ne nanene, Ntewa naga kila Epraam mesmesu amio naga.” A nanagane ita tesuũa tepio ke Epraam tesape naga pe erau kiena ne Ntewa. ²⁴ Komin suri ne la na nene, ita tekilia tekirawal sane Ntewa naga kila yaru mesmesu amio naga komin kiena ðelaga wo na malena mũaga, pe komin re ga kiena naviawaena poli. ²⁵ A amiu asitomli Reap nene, nanua sumo naga pe sira na mrapa ga tai. ?Ntewa kila naga mesmesu amio naga vanon ya ne? Nanene vanon naũa naga pisuar ruru le Israel la lua nene naũa lalua apim vinau ga apisape avisu kilia Seriko. Naga ðerewan lalua nene e mũa yuũa, a ðisi na naga kipian lalua nene e mrapa taũana

tai vena lalua akilia aure ana awasuṽela si akom ea.

²⁶ Pogaga, ana sa naṽa tas nen yaru naṽa naga pe ninuna re poli, naga mare, naviawaena m̄ena ga, naṽa pe ṽelaga wo re laṽas ayuṽae veraga amio poli, naga m̄ena ga mare ga.

3

Ita monar touarar ruru purmeneta

¹ Puruvi lala a vineu lala, pe pon re naṽa amiu ve moki akilali naṽa auarar yuṽaena na vianena e yuṽa na lotuena la poli, vanon naṽa amiu akilia m̄aga, e legiena na liṽereena, ṽisi na Ntewa naga kila naliṽereena van imimi navianena lala ana m̄arera laa sane. ² Visae yeririna tai naga pe kila pal re kiena visena pogos tai poli wa, yaru nene naga po na po, naga kilia ṽuarar ruru kiena malena wetelu. Ana peraga, ita punu ga ita tesuṽa tekila pal luen ga kieta visena lala silaga.

³ Popon ita tesitomli narin pototo nene naṽa ita temligan pa teke e logon wosi. Pogos naṽa ita temligania, ita na tekilia tekila wosi nene logear ita, a ita tekilia tevilon pupia tas nen wosi nene naga va e yo naṽa ita sinetan tesape naga va ea.

⁴ A ita na tesitomli m̄ena ga waa lala, naṽa pe suri korena ga naṽa aurmi paṽisi, a pona pupia lagi miyuia ana sinenan pisape supon vano, ana narin ṽeligas ga, naga kilia kila pupia waa nene va e yo naṽa yaru na uararen ṽeligasia naga sinenan pisape va ea. ⁵ Purmeneta lala naga sa ke nene narui, naṽa la ape narin suri ga tai, ana la akilia avis molmolue ve keviu vaṽisi.

Amiu na asitomli, naþa narin m̃au na kapi ga tai, ana naga kilia kekan ga pupia laki lala e pupia yom̃arua tai. ⁶ Ee, lelaga kemua, naþa purmeneta naga sane kapi ta ne. Komþas nen tasneta la moki, ana purmeneta naga ta naþa suri viowa punu ga na yomarava nini la apule manene la ea, a kiena naviowaena la nene la asum̃a akila kare make kieta malena wetelu. Purmeneta nene na sum̃a mla ke kapi e lele na loge viowaena, a naga sum̃a kila ke kapi nene pivaga e kieta mrapa na malena punu ga. ⁷ Ita tekilia tepisu naþa yaru naga kilia kila suri tetan lala aimi amom̃au, sane suri mali na yom̃arua lala a manu lala, lom̃ara lala, a ika lala, ⁸ a pe yaru re tai naþa naga kilia kila purmenena mom̃au poli. A purmeneta lala la apiowa la, a taþatete touararia, a kiela visena lala la sa ga mrasuþapo naþa kilia kilam̃ar yaru. ⁹ Ita tesum̃a tepis ke e kieta purmeneta nene vena teieluar Ntewa Wa nene naþa naga pe Arimata, ana siraunia, ita tepis ke sina ga ea ana tepiuelin yaru taþena lala naþa ita na pe tesitom re tesape Ntewa naga sii la poli. ¹⁰ E gota taaga ga, ita tesum̃a tepis po ea, a tepis m̃ena ga piowa ea. Puruvi lala, suri nene naga piowa manene la. ¹¹ Pe puluwii re ta naþa mon m̃aga ana e pulusa si amio wii lalua akate veraga e poli. ¹² A sa ke m̃ena ga naþa purpik taþatete kilia war mraolip, a kilkerep taþatete war mravik. Taþatete m̃ena okilia ova ovio wii e pulusive.

Namanmaruaena wo naþa Ntewa naga mlavia

¹³ Visae amiu yaru laṗasia naṗa ape manmarua paṗisi, la akilia ruru suri po, popon lala akila suri la nene imi merarava ruru wo sa naṗa la kiela malena mesmesu, kiela sitomena lala monar vito ga tano, a kiela ṗelaga lala monar marua ruru wo. ¹⁴ Ana visae amiu asitom sa naṗa amiu ape manmarua, ana ki-amiu sitomena lala apulen navielueena amio m̃ena ga nakalawaena, visae ve sanene amiu na apisokani ke ga ne. Amiu na ve avisvilaven re si vanon kiamiu visokanena na manmaruaena nene, vanon nanene na pe ṗelaga na manmaruaena re nenaga nene poli. ¹⁵ Nanene naga pe manmaruaena nae re ma e sinapane nene poli, ana naga manmaruaena na yomarava ga nini ne, a naga pe kiena ne yeririna viowa ga lala, naga pe manmaruaena naṗa naga molue ruru ga kome Yermare. ¹⁶ Vanon pogos naṗa yaru la naṗa avielue ana la sinelan asape ato kalawa make yeririna taṗena lala, ana suri la punu ga asutetai ga narui, taṗatete si akirir ruru wo. ¹⁷ A visae yaru naṗa naga tol namanmaruaena nae ma e peni, ana kiena ṗelaga ve taṗena. A metava suri taṗena lala, kiena malena ikik ruru wo, a naga ve yaru nasum̃areena m̃ena ga, naga ve yaru mom̃au, naga ve erau ruru wo van yeririna taṗena lala, a naga ve yeririna na sineyeena. A naga ve yeririna m̃ena ga tai naṗa e kiena malena war mras la naṗa po. A naga ve waveve re yaru lala, a kiena sitomena ve veve lua re. ¹⁸ Yaru na sanene, suri la punu ga e kiena malena naga mesmesu ruru po paṗisi, a ṗisi na ve sa ke m̃ena ga e yaru la punu ga naṗa la ape yeririna

na sumãare, naña la amiyumãae ke e ðelaga na sumãarena.

4

Yaru naña naga kila erau wo amio yomarava nini

¹ ?Ana visae sumãarena nene ve su ruru re amio amiu, ana amiu asumã akila ga mara van amiu, a aveveyun amiu, ana ya ne pe mias nen suri nene? Suri nene naga molue kome kiamiu nasinenanena lala, naña la asumã akila amiu amiyumãae m̃arera pañisi vena akilali naña aloge wo e suri punu ga naña sike e yomarava nini.

² Amiu na sinemiun manene la suri la naña sike e yomarava nini, ana amiu tañatete akusla, ana nane kila amiu na sinemiun asape awe yeririna vanonia. A amiu na sinemiun manene la suri kiena ne yeririna tañena lala, ana tañatete m̃ena ga akilia akusla, ana kila amiu apeveyu a añe amiu m̃aga vanon suri la nene. Ana amiu pe atol re suri lañas naña amiu sinemiun poli, vanon naña pe apiun re tan Ntewa poli. ³ A pogos lañasia amiu apiun tan Ntewa, ana pe atol re poli, vanon naña apiun pal ga. Ana nanene komin naña amiu asumã apiun ke ga vena kila kiamiu nasinenanena lala akilia awar ya naña la sinelania vena aloge wo ea.

⁴ Amiu na sa naña yeririna la naña la pe ape lelaga re pa wola poli, naña amiu pe akekaran manene re si kiamiu Ntewa poli, amiu pe ape lelaga re pan poli. Ana yaru naña naga sinenan pisape naga ve erau wo amio yomerava nini a amio m̃ena ga kiena ðelaga lala, ana naga sane

sumña kila ke erau viowa amio Ntewa ne, naga sane pe nasinekar kiena ne Ntewa p̃isi narui. ⁵ Visena lelaga tai teke e Visena Wa, naña naga pisa pisape

“Ninuta naña Ntewa naga mligan teke e ita, naga sumña sinenan pisape va viowa silaga e kiena nasinenanena viowa lala.”

A nanene naga pe pe visena korena re nene poli, ⁶ a Ntewa naga sumña miila ita keviu paṗisi e kiena sinewo, vena ita ve tekila re si ve sanene. Ana naga nene sa naña Visena Wa naga pisa, naña naga pisa pisape

“Ntewa naga sumña pisalup̃ar ke yaru naña naga p̃arwaria, ana naga pe sinewo pa yaru naña naga kiena sitomena to ga tano.”

⁷ Vanon suri ne nanene, amiu monar aligan amiu asumña tano, vatano e limana ne Ntewa, a amiu na monar asuwo Yermare Lego, ana p̃isi na naga ure vetan amiu. ⁸ Amiu na monar aimi manene laa lavisin Ntewa sane wa, a p̃isi na naga m̃ena ga imi manene laa lavisin amiu sane. Amiu yeririna viowa lala, amiu monar akevan limamiu lala. A amiu naña amiu kiamiu sitomena pepe lua, amiu monar akila sinemiu lala imi ikik ruru wo. ⁹ Nanagane kana pogos ruru naña amiu sinemiu viowagan kiamiu mlamulena viowa la narui, amiu aloge viowa vanonia, amiu alokain tagiena. Popon amiu akila kiamiu vitalena imi ve kiamiu tagiena ga, a kiamiu kekarena imi ve kiamiu nasineyeena. ¹⁰ Ana amiu monar akila kiamiu sitomena su ga tano e marana ne Ntewa, naña naga mon metava a naga p̃isi na visirlua amiu.

Amiu na ve aliḗpere re kiamiu puruvi lala

¹¹ Puruvi lala a vineu lala, pe pon re amiu asuḗna avisa kare amiu poli, a aliḗpere amiu ke sina ga. Pelaga nene, Navisaluaena kiena ne Ntewa p̄saluḗḗar ḗisi rui, ana yaru naḗa naga suḗna kila ke sanene pan kiena puruvi lala, naga suḗna pisa kare ke m̄ena ga Navisaluaena nene, a naga suḗna mliḗpere ke Navisaluaena nene pisape naga piowa ga. A pogos naḗa amiu apisu Navisaluaena nene apisape piowa sanene, amiu asuḗna amligan amiu apa ke metava e naga, ana amiu pe asu re si vatanon naga poli. ¹² Ntewa nene naga kilia tamalia yaru a naga kilia kila yaru kovio, a mesmesun naḗa naga taaga ligan Navisaluaena a naga liḗpere yaru. ?Ana amiu na asitom asape amiu ape Ntewa, vena akilia aliḗpere kiamiu puruvi la sanene?

Amiu avisuar ruru amiu, ve avis vilave re

¹³ Amiu laḗasia akilia avisa avisave, “Pane pona peni ḗisi na imimi meva e pulkumali taḗena tai. Ana e yo nene, ḗisi na imimi mesuḗna ga tol kas wetelu ve taaga, ana ḗisi na imimi mekila yuḗaena na warena kilavaru ve moki.” Ana amiu ayagogon inu. ¹⁴ Amiu na pe akilia re nenaga ya naḗa ḗisi na naga kilia warpoyo e kiamiu malena peni poli. Kiamiu malena naga sa ga m̄au naḗa pimi kate e tavie a naga su plas ga ana siraunia kokovio ke sina ga. ¹⁵ Ana visena naḗa mesmesun naḗa amiu avisa, naga sanini, pisape “Visave Ntewa naḗa mon metava naga sinenan ve sanene, ḗisi na imimi mekilia mesuḗna memal re la ve plas ga na wa, ana

ṗisi na imimi mekilali ve sanene ve sanene.”
¹⁶ Ana peraga, amiu asumã apisi vilave ga, a amiu aṗarwar amiu paṗisi wa, ana nanene na piowa nene. ¹⁷ Ana yaru naṗa naga kilia ruru ṗelaga wo lala naṗa mesmesu naṗa naga kila, ana naga pe kila re poli, nanene naga kiena mlamulena viowa nene.

5

Yeririna na suri moki lala, monar maramẽ amiu

¹ Li na suri moki lala, popon amiu m̃ena ga ayagogon inu. Popon amiu na alokain tagiena vanon pogos m̃arera la naṗa asumã apimin ke naṗa atol amiu. ² E marana ne Ntewa, kiamiu suri wo lala sa ga suri la naṗa apililua ṗisi rui, a m̃amiu kulsota wo m̃ena ga lala sa ga naṗa kirara lala akarwowo ṗisi rui. ³ A kiamiu suri m̃ena ga lala naṗa sane kilavaru, la sa naṗa asumã asiar asape avililua narui, ana ṗisi na tasnemi m̃ena ga lala avililua, sa naṗa kapi kekania, a nanene naga kila merarava pisape amiu na amiyum̃ae piowa ga amio kiamiu kilaveru la nene. Ita tesike e legiena maro la ne, ana amiu na asumã apanon aṗarpolo manene ke kiamiu kilavaru la pa laa na wa. ⁴ Li na yum̃aena lala amiyum̃ae ṗisi rui e kiamiu lokove lala, ana amiu na pe apulila re poli wa. Kiela naulena lala naṗa amiu apuarar sike na, naga sa naṗa sumã mlokai keviu vena visawal naṗa amiu apisokan ga. Li na yum̃aena m̃ena ga la nene asumã atagi, a kiela tagiena

nene naga pa tol kiligana ne Ntewa naña naga pe Ntewa na m̄areraena. ⁵ E yomarava nini, kiamiu malena meme ga, naña amiu akilia aul ga suri punu ga naña amiu sinemiunia naña alogewonia. Amiu na akan ga kinanena wo la silaga, ana inu nevisa van amiu, amiu na sa ga suri mali lala naña yaru la apagan ruru la po pano-o amlapa ruru po pañisi, nanagane amloge po pañisi, ana legiena na we mon̄ar laena pimi ke lavisi narui, ana suri mali la nene amninue ga. ⁶ Amiu na asum̄a apisu ke la naña limala korena ga la apito ga tano. Amiu amla naliṗereena viowa lala pan la, pe suri korena ga naña la amesmesu ga. Amiu akila kare la m̄aga pano-o amiu am̄emoñar la amare. Suri la nene, amiu akila pan yeririna lala naña taṗatete nenaga la akilia avisaluṗar amiu.

Amiu monar amalumu ga

⁷ Puruvi lala, amiu na monar amalumu ga vena asum̄ate m̄aga kieta Suṗe vano vano-o naga wasuṗe sina ga. Naga sane yaru na lokove, naña naga to malumu ga toña ga toñate pogos wo na yuñāenen kiena lokove lala, a vena yua naga imi kepapania, a vena war kinasa naña m̄arua sike ea. ⁸ Ana amiu na monar amalumu m̄ena ga sanene narui, vena asum̄ate kieta Suṗe naga wasuṗe sina ga imi. A amiu monar kiamiu sitomena lala asum̄alu m̄arera, vanon naña ṗisi na naga ve ve piavi re ana naga imi ke sina ga.

⁹ Puruvi lala, amiu ve avismumun amiu re silaga, vena ṗisi na Ntewa naga taṗatete liṗere amiu vanonia. Vanon naga pe yaru naliṗereena,

a sa ga naþa naga suũa suũalu ga sike e pulutava narui vena imi loyũa.

¹⁰ Puruvi lala, popon ita tesitomli navi-sawalena na sumo lala kiẽna ne Ntewa. La apian ita e mrapa wo tai, naþa pogos na yeririna lala akila piowa pan la, la amalumu ga a kiela sitomena lala pe mloru re poli. ¹¹ La asuũalu m̃arera asuũa ga pano pano-o, ataulu suri la nene, a komin suri ne nanene, ita tepisua tepisape Ntewa naga pisa ruru la paþisi wa. Yeririna naþa Sop, naga m̃ena ga tai naþa naga suũalu m̃arera su piavi e suri m̃arera la ne sanene, a ita tekilia suri wo lala naþa Ntewa naga kila pania sirau þisi. Nene na lelaga, Ntewa naga pe lemam pan yeririna la paþisi, naga sinena mie la paþisi.

Pelaga na visaena visaena naþa lelaga

¹² Kiau puruvi lala a vineu lala, metavan suri taþena la punu ga, pogos naþa visae amiu apisaar suri tai, pona amiu apisa pupia visaena keviu tai, þisi na amiu ve avisa re amio kia kiena ne sinapane, a kia kiena ne yomarava nini, pona kia kiena ne suri taþena tai, vena kila kiamiu visaena nene m̃arera. Visae amiu avisa avisave "Lelaga," monar avisa ga "Lelaga." A visae amiu avisa avisave "Peraga," monar avisa ga "Peraga." Visae kiamiu visaena ve lelaga ruru kemua sanene, þisi na Ntewa naga taþatete liþere amiu vanonia.

Leniena naþa navisatameena pimi ea

13 Visae amiu yaru tai naþa naga mloge piowagan ke suri tai, naga popon len, a visae amiu yaru tai naga kekara, ana naga popon yeluar Ntewa e yauena. 14 A visae amiu yaru tai mai, nanene naga mesmesun naþa naga vio nasumonena na sumare lala vena aimi avisu naga, ana þisi na lala akilia alenwo naga, a la akilia ataron sirveve va e naga e kia kiena ne kieta Suþe. 15 Ana komin naþa apiawa m̃arera e Ntewa, ana alen vania, þisi na Ntewa naga tamalia namaiena nene, kila ruru sina ga naga. A visae maiena nene naþa tol yaru nene naga vanon kiena mlamulena viowa laþasia, a visae yaru nene visa plan kiena mlamulena viowa la nene, þisi na Ntewa naga viewo m̃ena ga mlamulena viowa nene. 16 Komin suri ne nanene, ana popon amiu na asum̃a avisa plan kiamiu mlamulena viowa lala van amiu, a popon m̃ena ga amiu asum̃a alenwo amiu ana vena þisi na Ntewa naga kila amiu awo sina. Pogos naþa yaru mesmesu naga len m̃arera, kiena leniena kilia war mrasa ve moki. 17 Elaisa naga pe yeririna ga sa naþa ita, ana naga mlen m̃arera pisape yua þisi, ana tol kas telu komsusa ana pe yua re nenaga e kiena yo poli. 18 Ana siraunia naga kila ke sina ga leniena, ana yua kove ke sina ga ana lokove lala ape kinas sina ga.

Amiu na monar aure si yeririna naþa pure wasuþe sina ga imi

19 Puruvi lala a vineu lala, visae amiu yaru tai molue vetan nalelagaena, ana amiu yaru tai

naga vanon ure naga wasuḗe sina ga imi, naga nene na yuḗaena wo ta nene. ²⁰ Amiu na monar asitoḗalia, sa naḗa visae yaru naḗa naga vilon yeririna viowa tai molue e mrapa naḗa piowa wasuḗe sina ga imi e mrapa naḗa mesmesu, naga tamalia yeririna viowa nene narui, ana ḗisi na taḗatete yeririna viowa nene naga kovio. A naga kila sa naḗa ḗisi na Ntewa naga kilia ure plan punu ga mlamulena viowa kiena ne yaru viowa nene.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 3 Mar 2023 from source files dated 22 Nov 2019

ee028e1c-7e53-571d-8041-681daaf580e8